

六典通考

六集

大典通考卷十八

湖西閻鎮珩輯

設官考

歷代任官之法

唐制文選吏部主之武選兵部主之皆爲三銓尙書侍郎分主之凡官員有數而署置過者有罰知而聽者有罰規取者有罰每歲五月頒格於州縣選人應格則本屬或故任取選解列其罷免善惡之狀以十月會於省過其時者不敘其以時至者乃考其功過同流者五五爲聯京官五人保之一人識之刑家之子工商異類及假名承僞隱冒升降者有罰文書粟錯隱幸者駁放之非隱幸則不凡擇人之法有四一曰

身體貌豐偉二曰言言辭辯正三曰書楷法適美四曰判文

理優長四事皆可取則先德行德均以才才均以勞得者爲

畱不得者爲放日知錄唐時所謂銓者有畱有放總章二年司列少常伯裴行儉始設長名榜定畱放畱

者入選放者不得入選已定注則過門下侍中給事中按閣有不可黜之故放者多而畱者少景雲中以宋璟爲吏部尚

書李乂盧從愿爲侍郎皆不畏強禦請謁路絕集者萬餘人畱者三銓不過二千人服其公五品以上不

試上其名中書門下六品以下始集而試觀其書判已試而

銓察其身言已銓而注詢其便利而擬已注而唱不厭者得

反通其辭三唱而不厭聽多集厭者爲甲上於僕射乃上門

下省給事中讀之黃門侍郎省之侍中審之然後以聞主者

受旨而奉行焉謂之奏受視品及流外則判補皆給以符謂

之告身凡官已受成皆庭謝凡敘階之法有以封爵謂嗣王郡王初

出身從四品下敘親王諸子封郡王者從五品上國公正六
品上縣公從六品上侯及伯子男並通降一等若兩應敘者
從高有以親戚謂皇親總麻以上及皇太后周親正六品上
敘也有以親戚敘皇太后大功親皇后周親從六品上皇祖
免親皇太后小功總麻皇后大功親正七品上親從六品上
麻親皇太子妃周親從七品上其外戚各依本服降二等敘
娶郡主正六品上娶縣主正七品上郡主有以勳庸謂上柱
子出身從七品上縣主子從八品上郡子敘
品上敘柱國已下每降一等至騎都尉從七品下驍有以資
騎尉飛騎尉正九品上雲騎尉武騎尉從九品上
蔭謂一品子正七品上敘從三品子遞降一等四品五品有
蔭正從之差亦遞降一等從五品子從八品下敘國公子亦
從入品下三品以上蔭曾孫五品以上蔭孫降子一等曾
孫降孫一等贈官降正官一等散官同職事若三品帶勳官
者即依勳官品同職事蔭四品降一等勳官二品子又降一等
子准從五品孫縣男以上子降一等勳官二品子又降一等
二王後子孫有以秀孝謂秀才上上第正八品上以下遞降
准正三品蔭有以秀孝謂秀才上上第正八品上以下遞降
才三等進士明法甲第從九品上乙第降一等若本蔭高者
秀才明經上第加本蔭四階以下遞降一等明經通二經以
上每一經加一階及官人通經者後敘加階亦有以勞考謂
如之凡孝義旌表門閭者出身從九品上敘有以勞考謂

外六品以下四考滿皆中中考因選進一階每二中上考又進兩階每一上下考進兩階若兼有下考得以上考除之

有除免而復敘者皆循法以申之無或枉冒

謂官人犯除名限滿應敘者文

武三品以上奏聞正四品於從七品下敘已上通降一等從五品於從八品上敘六品七品從九品上敘八品九品從九品下敘若出身品高

凡應入三品五品者皆特別制而進之

於此法者仍從高

不然則否謂應入三品者皆須先在四品已上官仍限三十

五品者皆須先在六品已上官及左右補闕殿中侍御史太常博士詹事司直京兆河南太原府判司皆限十六考已上本階正六品上伎術官本司無六品官頻任三政七品者仍限二十考已上並所司勘責訖上中書門下重勘訖然後奏聞別制凡百司之長歲較其屬功過差以九等大合眾而讀以授焉

之流內之官敘以四善一曰德義有聞二曰清慎明著三曰

公平可稱四曰恪勤匪懈善狀之外有二十七最一曰獻可

替否拾遺補闕為近侍之最二曰銓衡人物擢盡才良為選

司之最三日揚清激濁褒貶必當爲考校之最四曰禮制儀式動合經典爲禮官之最五曰音律克諧不失節奏爲樂官之最六曰決斷不滯與奪合理爲判事之最七曰部統有方警守無失爲宿衛之最八曰兵事調習戎裝充備爲督領之最九曰推鞠得情處斷平允爲法官之最十曰讎校精審明於刊定爲校正之最十一曰承旨敷奏吐納明敏爲宣納之最十二曰訓導有方生徒充業爲學官之最十三曰賞罰嚴明攻戰必勝爲軍將之最十四曰禮義興行肅清所部爲政教之最十五曰詳錄典正詞理兼舉爲文史之最十六曰訪察精審彈舉必當爲糾正之最十七曰明於勘覆稽失無隱爲句檢之最十八曰職事修明供承彊濟爲監掌之最十九

曰功課皆充丁匠無怨爲役使之最二十曰耕耨以時收穫
成課爲屯官之最二十一曰謹於蓋藏明於出納爲倉庫之
最二十二曰推步盈虛究理精密爲曆官之最二十三曰占
候醫卜效驗多者爲方術之最二十四曰檢察有方行旅無
壅爲關津之最二十五曰市廛弗擾姦盜不行爲市司之最
二十六曰牧養肥碩蕃息孳多爲牧官之最二十七曰邊境
清肅城隍修理爲鎮防之最一最四善爲上上一最三善爲
上中一最二善爲上下無最而有二善爲中上無最而有一
善爲中中職事麤理善最不聞爲中下愛憎任情處斷乖理
爲下上背公向私職務廢闕爲下中居官諂詐貪濁有狀爲
下下凡定考皆集於尙書省唱第然後奏親王及中書門下

京官三品以上都督刺史都護節度觀察使則奏功過狀以
覈考行之上下每歲尙書省諸司具州牧刺史縣令殊功異
行災蝗祥瑞戶口賦役增減盜賊多少皆上於考司監領之
官以能撫養役使者爲功有耗亡者以十分爲率一分爲一
殿博士助教計講授多少爲差親勳翊衛以行能功過爲三
等親勳翊衛備身東宮親勳翊衛備身王府執仗親事執乘
親事及親勳翊衛主師校尉直長品子雜任飛騎皆上中下
考有二上第者加階番考別爲簿以侍郎顓掌之流外官以
行能功過爲四等清謹勤公爲上執事無私爲中不勤其職
爲下貪濁有狀爲下下凡考中上以上每進一等加祿一季
中中守本祿中下以下每退一等奪祿一季

貞觀初歲定京
官望高者二人

分校京官外官考給事中中書舍人各一人涖之號監中外
官考使考功郎中判京官考員外郎判外官考其後屢置監
考校考知考使故事考簿朱書吏緣爲姦咸通十四年始以墨武選凡納課品子歲取文武
六品以下勳官三品以下五品以上子年十八以上每州爲
解上兵部納課十三歲而試第一等送吏部第二等畱本司
第三等納資二歲第四等納資三歲納已復試量文武授散
官若考滿不試免當年資遭喪免資無故不輸資及有犯者
放還之凡捉錢品子無違負滿二百日本屬以簿附朝集使
上於考功兵部滿十歲量文武授散官其視品國官府佐應
停者依品子納課十歲而試凡一歲爲一選自一歲至十二
選視官品高下以定其數因其功過而增損之凡諸王及職
事正三品以上若文武散官二品以上及都督都護上州刺

史在京師者冊授

諸王及職事二品以上若文武散官一品並臨軒冊授其職事正三品散官二品以

上及都督都護上州刺史並朝堂冊訖皆拜廟冊用竹簡書用漆

四品以上皆制授六品以

下守五品以上及視五品以上皆勅授凡制勅授及冊拜皆

宰司進擬自六品以下旨授凡旨授官悉由於尙書唯員外

郎御史及供奉官則否

供奉官名起居補闕拾遺之類雖是六品以下官而皆勅授不屬選司開

元四年始有此制

凡內外官清白著稱強幹有聞若上中則中書門

下改授

清白等稱皆須每在有使狀一清考詞二清經三任爲第一等兩任爲二等一任爲第三等其都督刺史

既無考詞每使狀有一清字亦準任數爲等第強幹有聞科等第亦準此科等第一等同清白第二等

若第二

等三等入五品已上改優之六品已下不待秩滿聽選加優

授焉其嶺南黔中三年一置選補使號爲南選

應選之人各令所管勘責

具言出身由歷選數作簿書預申省所司具勘曹名考第造麻子印署與選使勘會將就彼銓注訖然後進申以聞日

知錄唐貞觀元年京師穀貴始分人於雒州置選至開耀元年以關外道里迢遞河雒之邑天下之中始設東西二曹兩都分簡畱放既畢同赴京師謂之東選是東都一掌選也黔中嶺南閩中官不由吏部委都督選擇士人補授上元三年八月王寅勅自今每年遣五品以上彊明清正官充南選使仍令御史同往注擬大厯十四年十二月己亥詔專委南選使使停遣御史是黔中嶺南閩中各一掌選也李峴傳曰代宗卽位徵峴爲荆南節度江陵尹知江淮選補使又曰罷相爲吏部尙書知江淮選舉置銓於洪州劉滋傳曰興元元年改吏部侍郎往洪州知選事時京師寇盜之後天下旱蝗穀價翔貴選人不得赴調乃命滋江南典選以便江嶺之人是江南又一掌選也宋神宗詔川陝福建廣南八路之官罷任迎送勞苦令轉運司立格就注免初武德中天下兵革新定士其赴選是亦參用唐人之法

不求祿官不充員有司移符州縣課人赴調遠方或賜衣續

食猶辭不行至則授用無所黜退不數年求者浸多亦頗加

簡汰唐承隋制初則尙書銓掌六品七品選侍郎銓掌八品選三年大集每年小集其後尙書侍郎通掌六品以下

選其員外郎監察御史亦吏部唱訖尙書侍郎之典自貞觀以後員外郎乃制授之至則天朝以吏部權輕監察亦制授

之其銓總也南曹總覈之廢置予奪之銓曹注擬之尚書門下兼司之門下詳覆之覆成而後過官至肅宗卽位靈武强寇在郊始命中書以貞觀二年侍郎劉林甫言隋制以十一月爲選始至春乃畢今選者眾請四時注擬十九年馬周以四時選爲勞乃復以十一月選至三月畢太宗嘗謂攝吏部尚書杜如晦曰今專以言辭刀筆取人而不悉其行至後敗職雖刑戮之而民已敝矣乃欲放古令諸州辟召會功臣行世封乃止它日復顧侍臣曰致治之術在於得賢今公等不知人朕又不能徧識日月其逝而人遠矣吾將使人自舉可乎而魏徵以爲長澆競又止

貞觀九年敕每年冬薦官吏部准式檢勘或成者宜令諸司尚書左右丞本司侍郎引試都堂訪以理術兼商量時務狀考其理識通者及考第事迹定爲三等並舉主姓名錄奏試日仍令御史監試馬周上書曰自古郡守縣令皆妙選賢德欲有擢升必先試以臨人或從二千石入爲丞相今朝廷獨重

內官縣令刺史頓輕其選刺史多是武夫勳人或京官不能
職方始外出而折衝果毅之內身材強壯者先入爲中郎將
其次始補州任邊遠之處用人更輕其才堪宰莅
以德行見擢者十不能一百姓未安殆由於此
高宗總章
二年司列少常伯裴行儉始設長名榜引銓注法復定州縣
升降爲八等其三京王府都督都護府悉有差次量官資授
之其後李敬玄爲少常伯委事於員外郎張仁禕仁禕又造
姓麻改狀樣銓麻等程式而銓總之法密矣然是時仕者眾
庸愚咸集有僞主符造而矯爲官者有接承它名而參調者
有遠人無親而置保者試之日冒名代進或旁坐假手或借
人外助多非其實雖繁設等級遞差選限增譴犯之科開糾
告之令以遏之猶不能禁大率十人競一官餘多委積不可
遣有司患之謀爲黜落之計以僻書隱學爲判目無復求人

之意而吏求貨賄無復升降

劉祥道上疏曰今選司取士傷多且濫每年入流數過一千四

百人雜色入流不加銓簡古之選者爲官擇人不聞取人多而官員少今官員有數入流無限以有數共無限遂令九流繁總人隨歲積今內外文武官一萬三千四百六十五員壯室而仕耳順而退取其中數不過支三十年則一萬四千人三十年而略盡若年別入流者五百人足充所須之數況三十年之外在官者猶多今年當入流者遂踰一千四百計數餘兩倍又常選者仍六七千人更得年別新加實非處置之法望請釐革稍清其選中書令杜正倫武后初試選人皆糊名亦言入流者多爲政之弊事竟不行

后以爲非委任之方罷之務收人心士無賢不肖多所進獎

職員不足乃令吏部大置試館以處之故當時有車載斗量

之謠又以鄧玄挺許子儒爲侍郎無所藻鑑委成令史依資

平配李嶠爲尙書又置員外郎二千餘員悉用世家親戚給

俸祿使釐務至與正官爭毆者又有檢校勅攝判知之官

陸贄

曰則天太后臨朝欲收人心洪委任之意開汲引之門非但人得薦士亦得自舉其才所薦必行所舉必試然課責既嚴進退皆速不效者旋黜才能者驟升是以當代謂知人之明累朝賴多士之用則天傳太后不惜爵位以寵四方豪傑雖安男子言有所合輒不次官之至不稱職尋亦廢誅不少縱務取實材眞賢故當時有杞推盪脫之語而所得如姚崇宋璟輩皆足以中宗時韋后及太平安樂公主等用事於側建開元之太平門降墨勅斜封授官號斜封官凡數千員內外盈溢無廳事以居當時謂三無坐處言宰相御史及員外郎也又以鄭愔爲侍郎大納貨賂選人畱者甚眾至逆用三年員闕而綱紀大潰韋氏敗始以宋璟爲吏部尙書李義盧從愿爲侍郎姚元之爲兵部尙書陸象先盧懷慎爲侍郎悉奏罷斜封官量闕畱人雖資高考深非才實者不取未幾璟元之等罷殿中侍御史崔涖太子中允薛昭希太平公主意上言罷斜封官

人失其所而怨積於下必有非常之變乃下詔書復斜封別
勅官玄宗卽位勵精爲治制凡官不歷州縣者不擬臺省已
而悉集新除縣令宣政院親臨問以治人之策而擢其高第
者又詔員外郎御史諸供奉官皆進名勅授而兵吏部各以
員外郎一人判南曹由是銓司之任輕矣其後戶部侍郎宇文
融又建置十銓乃以禮部尙書蘇頲等分主之太子左庶
子吳兢諫曰易稱君子思不出其位言不侵官也今以頲等
分掌吏部選而天子親臨決之尙書侍郎皆不聞議者以爲
萬乘之君下行選事帝悟復以三銓還有司開元十八年侍
中裴光庭兼吏部尙書先是選司注官惟視其人之能否或
不次超遷或老於下位有出身二十年不得祿者又州縣亦